

古田縣志卷之四

山川志

山所以障川所以洩大之可以為設險固圉之用小之可以為阜物利民之資是言治者所必加之意焉古田立邑萬山中自翠屏五華稱勝外其磅礴屹峙於四境間者尤不可縷數而川流交錯澗壑滌洞雖不足以儕於終南嵩華長江大河之奇觀然其為地勢之所宜民居之所適固不失其為山川之美利也纂山川志

山 峯巖洞石嶺

縣治及附郭 按縣治十里之內東西南北環拱山嶺透迄而下漸趨平衍而附郭諸山又層巒疊嶂森若列眉誠天然形勢也

古田縣志

卷之四

山川志

巖頭亭山

距縣治東里許山巔可俯視東區

高頭嶺

距縣治西六里嶺巔可俯視西區

鳳迴嶺

距縣治南十里嶺巔可俯視下南區

利洋嶺

距縣治北二里嶺巔可俯視城市

環屏山

一名翠屏距縣治北里許邑之主山也

醴醕山

邑之案山也在縣城南相傳山下有泉如醴可醕故名

仙亭山

在縣城南山上舊有醴泉道院院有亭元時項道人居此得仙術因名清邑人張迪哲詩道人仙去幾經秋曠代猶傳項老舟今日客從山下過寒蟬鳴咽暮雲浮

龜山

在縣城東形如龜山下有洞曰藍洞

龍首山

在縣城內一保上有文昌閣及四忠祠

后林山

在縣城內西北上有美會設立之中小各學校及美國人住屋原有百善社基址碑存后有陳黃余各姓墳墓

香山 在縣城內城隍新廟後
新建有功德林大士閣

王公山 距縣治西二里

城隍山 距縣治西二里

極樂山 距縣治西北里許
下有寺曰極樂

無極洞 在半仙巖中

北臺山 在縣治西里許山下
有李明府祠今圯

荷峯 在縣城西

明府山 距縣城西二里多
種斑竹筍味甚佳

白塔山 山麓有齋天大醮廟旁有義
塚總墓新建有林章侯廟

印石峯 在縣治西十里許山
巔有巨石如印故名

古田縣志 卷之四

山川志

二

鳴角山 在縣治西南以
其形肖故名

月山 在仙亭山之南形如半月杉洋鳳林寺亦有之明高棟詩羣峯多獻奇一峯狀如
月半影出蒼崖四時挂天闕松蘿映空岩構屋通幽絕游子愛清輝逍遙步林樾

西來山 在縣治西南
上有總管墓

塔峯 在縣治南數里山巔
有塔俗呼下峯塔

旗山 在縣治南形如旗
故名杉洋亦有之

磨劍石 在縣城東五保溪中識云磨劍石平方出公卿宋邑令留元亮
平之云劍石已平公卿當出矣說者謂翠屏先生實應之云

南門山 一名新義山上有安立問教會設
立之中小各學校及英國人住屋

四保船頭后門山 一名葛藤山上
有藍家墓園

龍嶺 在縣治東為竹林
各村往來之便道

大東鄉

鼓山 在杉洋南

旗山 在杉洋南上有寨相傳為昔人避兵之所今惟廢址

鰲魚石 在杉洋藍田書院內石巔舊有文昌閣嗣清同治間里人余永謙重建

紗帽石 在杉洋藍田書院山上

麒麟峯 在杉洋東二十里峯高聳登其巔可望見甯德江流

民安嶺 在杉洋西十里嶺巔有亭為民安隘凡縣城小東往甯羅取道杉洋者所必由之孔道也又俗呼明京嶺

覆鼎寨 在三十五都覆鼎村高峻聳拔上有寨今廢

接漢洞 在三十六都樓下村溪濱有二洞相距丈餘一洞高八尺餘深丈許一洞高丈許深十丈許

大夫峯 在三十七都蓋竹村有通率大夫亭皇臣墓故名

鸚哥山 一名蓋竹山在蓋竹村山甚峭拔登其巔可望見甯得江流絕頂有巖名孔雀巖相傳舊有仙迹云

古田縣志

卷之四

山川志

三

金峰 在三十七都茶洋村

鷹峯 在三十七都肥源村山形峭拔形如鷹嘴故名

紗帽山 在三十八都南洋村後樹木葱翠秀色可觀

巖下山 在三十八都善德院村有石洞黃龍光時峭壁千尋一洞開仙雲縹渺護荷苔巖頭指點雙貞石節是青松品是梅

老鷹山 三在十八都珠洋村山高犬峭拔形如展翅之鷹故名

秀峯 在四十都秀峯村下有寺為秀峯寺中有石龜龍爪石

仙山嶂 在四十都仙山村一峯巍然特立相傳舊有仙人栖其巔今尚遺一名曰每年七月初二村人有祭嶂之典

雷峯山 在四十一都西村峯有巨石五代晉天福五年一夕雷所擊裂成品字其下為幽岩寺山多樹木為大東鄉森林之最著者近數十年來煽鐵者恆往取燃料是山居民亦有呼為幽岩峯者

石馬峯 在四十一都庄裏村後山上石如馬形

筆架山 在西洋村三峯卓立如筆架

睡馬石

在西洋況字橋上如鷹睡馬旁有坂曰馬坂

印石

在西洋況字橋上

插旗石

在四十一都文車嶺村豁竹坑後

老鷓石

在四十一都隆興寺後形如鷓睛時擊之聲亮雨時擊之聲溼

龍泉嶺

在四十一都西洋村北龍泉村上山嶺高峻紆迴俗呼龍泉隘

紅亭嶺

在四十四都吉洋村嶺高而曲巔有亭為紅亭凡由縣城取道小東入大東鄉者此為必由之道故稱為紅亭隘

小東鄉

岷山

在四十四都岷山村山高丈危聳為諸山冠俗呼弓山髻

桐山

在四十二都蒼巖村後一峯高聳望之屹然

筆架山

在四十四都芹溪山勢盤曲綿亘里林莽重疊蹊徑複雜易於藏奸故俗呼此一帶溪流為筆架山河

古田縣志

卷之四

山川志

四

三十六坂山

屈曲互連由四十五都西峯村至北鄉十五都薛洋為小東往北鄉之路

鳳形崗

在四十五都前塔村形如鳳故名

仙人石

在四十五都前塔村北石面有人跡相傳為仙臥處

出米石

在四十四都前塔村旁

西鄉

雙髻

在五華山旁中有大石曰鷓髻石北鄉亦有之

三岡嶺

在四二都黃田為通上游要道

馬蹄嶺

在二都黃田為黃田入縣要道

九龍山

在二都黃田村九峯峭立中有大石叩之有聲

黃龍石

在三都苑上村形如龍上有仙亭僧寺

獅形山

在三都下
雙坑

石鍾柱

在三都下雙坑村巨
石屹立江中如柱

仙山堂山

在四都三
保寨前

鯉魚山

在八都羅華村山形似鯉故名近
溪有石橋鐫有蘇十娘造字跡

燐光台

在八都羅華村夜間
時有燐光閃爍如故

黃蘗山

在九都七保村多種桃有桃塢桃湖桃溪桃洲諸勝西南有羅漢臺宋邑令許當詩聞越饒異山峨峨此稱奇青
巖蔚高林朝日常蔽虧上士訪幽趣結愛忘返期所以葵藿心江淹寄遐思明陳白詩迴出秀峯外排空碧相照

明月落高層彤霞生遠嶠巖曉天鷄鳴谷寒風虎嘯商老胡不來靈草更神妙清林曾遠詩黃蘗山頭一天雲黃蘗山下一溪
水水流雲散山長存忘却曾經幾甲子洞中不見古神仙洞口無復捕魚船山路苔封少人跡綠楊芳草自年年我來看山山

色曙捫羅直到山深處盪胸嵐翠淨鑿埃猿鶴牽衣不忍去入山何
必為遊秦泉石與癖本相親會當結屋最高頂閱盡桃開春復春

筆架山

在九都
七保村

飯甌巖

在九都七保村形如飯
下有石室冬溫而夏涼

古田縣志

卷之四

山川志

卅

天鵝巖

在九都
七保村

南鄉

天柱山

在一都水口危峯屹立江濱舊有
寨為鄉人避兵之所今遺趾尙存

四維山

在一都
水口

獅子巖

在一都水口半嶺村之東上有大帝殿下有石洞古爐尙存
李斌誦獅子自西來雄踞兩關鎮萬籟嶺高林一吼千山震

塔嶺

在水口北嶺上有庵前立
一塔有亭為上下游孔道

何富洞

在一都嶺邊村怪石重疊中有一洞內低小僅可
容身有樵者人之中有二丈許蓋深不可測云

出米石

在一都嶺邊村相傳昔時石孔中曾
出米旁有石記其事字跡不可盡辨

印石

在一都白石村江中石方而平潮水大時常過
其頂更有鼠石相距里許猴石在隔岸半山

白石

在一都白石村江濱石高廣均丈餘旁支
以他石白石覆其上如瓦下可容二十人

響石山

在七都湯洋村山高峻登其巔可遠見縣城及黃田一帶山上有石叩之有聲如鼓清邑人張斌丹有詩云山靈也有漁陽譜不羨當年禰正平

龍舐石

在七都曹洋溪中有孔而潤俗謂龍舐處

花山

在七都花山村山高爽外國人來邑傳教者多構屋於此以為避暑之處

石獅巖

在十三都鳳竹村下有洞

北鄉

半仙山

在縣北門外相傳昔有仙人居此

花源寨山

一名華嚴山在十五都陽谷村後山上有寨廢址尚存相傳廢址中尚有存窰人欲發之者往往致雷雨而止

陽谷峯

在十五都陽谷村峯極峭特俗呼陽谷潭

鳳翽峯

在十五都王重村宋蘇大章詩早起聯鑣上翠微暇歷級步嶽嵌昔聞華頂蓮生藕今見南山菊滿籬縱眼橫看天地闊壯懷惟有鬼神知安期引我丹霄路十里雲烟特地披

天宮嶺

在十五都炎墩村出縣城北門往十五都之路

古田縣志

卷之四

山川志

六

桃林岡

在十五都利洋村

福全嶺

在十六都福全村俗呼覆船嶺

富峯

在十七都富遠村峯高大秀挺冬月積雪望之如千樹梅花

雙髻山

在十八都溪坂上有雙髻寺

北山寨

在二十一都西溪村上舊有寨今惟廢址

山頭頂山

在三十都山頭頂村山高險峻最易藏奸山背即屏南長橋村

川

潭洲泉龍井瀑布附

縣治及附郭

大溪由北鄉流出

小溪由小東鄉流出

縣城溪流源委 溪之來源有二一由小東鄉流出一由北鄉流出其由小東鄉流出者又分兩支一由大橋頭溪匯小東鄉之水歷桃坪至梧峯坂一由巷頭坪溪匯小東之水歷潛龍仕坂蒼岩沂洋等村至梧峯坂與大橋頭溪之水匯自此歷沽洋官洋馬家嶺岩下亭會於紫橋下此一派其由北鄉流出者一由建安縣界入本邑二十一都各村歷十七都之源裏喬浚高攀橋沙洲坂至杭下村與由建安流出之水自此歷合桃洲坂至陽谷又合十五都十六都之水以達於紫橋下至溪山書院前與小東鄉流出之溪合而為一自此繞城東出南方六保村福勝村及樟上村半坑而至曹洋橋下與西鄉桃溪之水匯焉由

古田縣志

卷之四

山川志

七

此歷龍亭港出寶溪至閩清界之李家崎長潭又有十三都之水自曲斗村起歷淮溪村繞閩清界之新崎而來匯於長潭遂由此合流出閩清耨橋湯壽橋時坪而至水口朝天橋注於閩

江

附

鯉魚洲

在縣城五保門外舊多種桃春時花開游人臨眺攜酒賦詩以為樂精邑人丁得輿詩隔水尋花不記春縛舟還此向迷津劉郎已是重來客客子依然未嫁身翠簾白沙應識我朱風紅雨欲留人鷺鷥怪底消閒福回首孤城十丈

塵郭肇繪詩吾鄉夙稱山水藪翁子一碧山一攜壺約詩偶春光不肯入城來好趁前詩覓花柳平時夢想鯉魚洲今日扁舟露吾手照眼花林歷亂開白白朱朱靡不有武陵何必非人間桃花欲向詩人剖選石呼童揮竹帚排比茶鑪及魁斗深林歇呼午到西安得清溪化作酒稱觴長為羣君壽就中石樓重來叟鯉魚風裏鯉魚飛斷尾已逐洪濤走我欲乘之游太清洪崖挹左浮邱右青鞋布襪又風塵何處林花開笑口

西湖

在縣城兩三保俗呼雙埕河

溫泉

在縣城四保門外鳴玉潭上溪中

第一泉

在西門外極樂寺後半仙巖中舊有朱子題石

半仙巖瀑布

在極樂寺後

大東鄉

藍田溪

在三十六都杉洋村

駟門橋溪

在三十六都西寮村

亭下橋溪

在三十六都樓下村

國本溪

在三十七都國本村

龍潭溪

在三十八都萍洋村

東溪

在三十八都東溪村

雙口渡溪

在二十八都雙口渡村

古田縣志

卷之四

山川志

八

東店溪

舊名雙澗溪在三十九都路上村

端石橋溪

在三十九都后彰村

田地溪

在三十九都田地村

徐州溪

在三十九都徐州村

卓洋溪

在四十都卓洋村

樟洋溪

在四十都樟洋村

西洋溪

一名小劍溪在四十一都西洋村

蘇洋溪

在四十一都蘇洋村

大東鄉溪流源委

大東鄉溪流各都異派而其最大者數支皆

匯於雙口渡以達於連江其次者入於羅源縣界今略述如下

三十六都之藍田溪則發源於白溪村及溪源龍井至杉洋歷三十五都遠地村出亭下橋溪至三十八都之東溪匯流於雙口渡又一支發源於三十六都松洋村經西寮村爲駟門橋溪歷三十五都洪灣村出亭下橋溪以至於東溪而匯於雙口渡三十九都之東店溪則發源於三十六都溪邊村歷路上村抵後彰村端石橋下四十一之西洋溪則發源於龍泉嶺經本都松洋村至西宅匯釀酒洋村雙洋村之水至西洋沉字橋下與發源於四十都吉洋村歷前洋村爐下村蘇洋村滌頭村之裏洋溪合由此流至樟洋溪匯於端石橋下其四十都之卓洋溪則發源於本鄉之秀峯村經林前村至卓洋村出羅地村與四

古田縣志

卷之四

山川志

九

十都模兜溪合流至樟洋溪與四十一都之水合流端石橋下此卅九都四十都四十一都之水凡匯於端石橋下者遂由此歷田地溪至卅八都東溪而建於雙口渡其卅九都之徐州溪則發源於四十六都丁山村歷常洋村葛藤灣折入大湖界之下村王埔村復流入本邑界題詩山下而至徐州橋下遂由此歷門前潭流入雙口渡其三十七都之國本溪則合甯德縣界鐘洋村水及本都太平橋談書村等處之水至國本村其夾竹村蕉洋村滌下村前桃村巖前村九溪村之水亦由此合於建龍潭復與本鄉之肥源溪合以達於雙口渡以上各流皆匯於雙口渡以達於連江者也至三十八都之龍潭溪則合本都東

吉洋芹塢亭坂橋及嶺裏村埧頭村下坵村萍洋村之水併流出嶺頭村而達於羅源界之羅溪其另一支爲三十七都溪門裏溪則會三十八都盤洋黃溪村之水與三十七都林洋村前村劉洋村等處之水匯流爲溪門裏溪以達於羅源界之文武溪此大東鄉溪流之大略也

附

萬年湖

在三十六都杉洋西門外清余胤水鑿今廢爲民田

東湖

在三十七都蕉洋村周七十餘丈湖中有大石屹然

新月潭

在三十八都善德院村又名懶龍潭

龜潭

在三十九都路上村

古田縣志

卷之四

山川志

十

扇門龍潭

在三十六都溪邊村

珠寶龍潭

在三十七都國本溪

茶洋龍潭

在三十七都茶洋村舊有龍居之

善德院龍潭

在三十八都善德院村懸崖削壁兩石如門舊有龍居之

圓潭龍井

在三十九都路下村水尾

下地龍潭

在四十都下地村俗稱蟹龍

裏洋溪龍潭

在四十一都西洋村

溫泉

在三十九都廖厝裏村

扇門潭瀑布

在三十六都溪邊村水尾

東溱瀑布

在三十六都東際村水尾

漆下瀑布

在三十七都漆下村

小東鄉

梧峯坂溪

在四十二都

沂洋溪

在四十二都沂洋村

芹溪

在四十四都芹溪村

大橋頭溪

在四十四都大橋頭村

巷頭坪溪

即吉口溪在四十五都巷頭坪村

甘溪

在四十五都甘溪村

北墩溪

在四十五都北墩村

臨水溪

在四十六都臨水村

古田縣志

卷之四

山川志

十一

潮洋溪

在四十六都潮洋村

澄洋溪

在四十六都澄洋村

小東鄉溪流源委

小東鄉溪流分爲大橋頭溪巷頭溪兩大支

而皆匯於梧峯坂經沽洋官洋馬家嶺等處以入於縣城之劍

溪大橋頭溪其來源又分兩派一爲安樟溪一爲臨水溪安樟

溪發源於四十四都牛峯村經柿坪亭及上下偏坪至安樟水

尾出小橋與臨水溪合流出大橋下臨水溪又分兩系一發源

於四十六都下明村經澄洋村出臨水梳粧橋一發源於四十

都上丁山村經隆德洋至大嶺尾復合四十六都湖洋村坵地

村及溪源裏之水至牛頭潭出大嶺尾其四十六都高洋村之

水經梅坪村溪沙至牛頭潭者亦匯於大嶺尾遂由大嶺尾合流經橫洋村中村出百花橋至梳粧橋下又與澄洋溪合流至安樟溪匯為大橋頭溪自此歷桃坪至梧峯坂與巷頭坪溪來源分為三派一發源於四十五都水竹洋經七茶洋村橫洋村提坑村芹溪村至三坂洋出巷頭坪一發源於四十五都長洋村至前山村與前塔村之水合流至上店又與梧寮村之水合流經大重峰北墩村至三坂洋出巷頭坪一發源於四十五都西峯經下村至小溪村與韋墩溪合又經甘溪村葛上村出吉口橋下與上二溪合流出巷頭坪三派既匯為巷頭坪溪遂經潛龍村溪邊村沂洋村而至梧峯坂與大橋頭溪匯流以入於

古田縣志

卷之四

山川志

十二

劍溪

附

天湖

在四十五都前塔村湖在山頂周六十餘丈下有九重深湖畔舊有寺曰天王寺

仙亭下龍潭

在四十四都

上店龍潭

在四十五都上店村

三井龍潭

在四十五都前塔村有三井相去里許懸崖瀑布人跡莫測其上巖紅蘭甚香

上滌瀑布

在四十三都上滌村高三十餘丈

澄洋瀑布

在四十六都澄洋村高三十餘丈

潮洋瀑布

在四十六都潮洋村

前塔瀑布

在四十五都前塔村即龍潭上高三十餘丈

桃溪

在九都七縣村黃藥山下里許末邑令常桃溪詩序云桃溪者蓋古田之名川也故老云昔有通民由白沙溪沂溪而上至是境谿若洞天於時春風微和天桃夾岸繁英媚川灼灼然故謂之桃溪溪之西有湖曰小湖許當桃溪詩桃溪

一何清灼灼花數里魚舫日去來無人識歸止安知歷幽隱不遇神仙子又小詩湖水德潤於物此湖無謂卑溪壑有通源風濤艱險期澤廣均田滄功高濟旱時好看雷雨會騰踏起蛟螭明陳白桃溪詩樂彼溪流清誰得投竿趣潭底露華星崖間披彩霧青鬢躍綠波翠羽鳴嘉樹桃花依舊春誤引漁郎步又小湖詩不與眾流通湛然如月午龍吟入靈聞隄息誰能觀萍實還可求菱花競爭吐往往有湖波化作天邊雨王備桃溪詩清溪一帶綠桃花春來水上流胡麻東風尋源信瑤擢雲中遠見山人家野茲山水相含景鼻鼻松杉亂天影少焉林壑巖巖鳴巾鳥飛來片雲冷二三老翁往東陂薛衣霜雪垂雙眉自言入山歲已久不知世上今何時傳聞有客還驚喜共薦清泉飲松子烟林霧篠不逢人碧草熟花應滿地問余何處在塵寰那似山中日月閒乍逢靈境真堪悅區緣未謝還成別別後重來定幾時夢繞溪邊綠羅月

浣溪

在八都浣溪村

玉西溪

歷四都籌坑村棗坪村及一都林萬洋村

五都溪

在五都村

潮魚溪

在二都潮魚村

下雙坑溪

在三都下雙坑村

古田縣志

卷之四

山川志

十三

埕頭溪

在三都埕頭村

閩江

閩江自延平來由三都口入縣界計西鄉沿江之水村裏洋下雙坑村虎潮村黃田村谷口村灣口村金鐘潭村皆江流所經過之區也

西鄉溪流源委

西鄉之水以桃溪為最大其源發於北鄉十八

都巒龍村再經十八都之飯洋村大小寮等處至西鄉七保村

為桃溪由此折入東南行過十都永洋村十一都新豐村松台

村蓮橋村等處行五十餘里出南鄉曹洋橋下與縣劍溪之流

合而達於困江其支流之來匯者凡五支一支由北鄉十都溪

坪村來逾北鄉之十七都朱墩又另條由二十一都后歷村來

逾北鄉之十八都之劉墩村與之并流數里出十八都飯洋村

來注之一支由九都銀山村合九都翁厝坪村之水至九都前

坪村并流出九都鴨仔橋下來注之一支由后寨隔經十都陳源裏出十都前山村來注之一支由雙髻山經五都滌面村八都羅華村十一都松台村來注之一支由八都油洋村經八都浣溪村至七都吉兆村來注之以上各支流皆匯桃溪之水而出於南鄉曹洋橋下以達於困江者也此外流入谷口江者爲玉西溪其源起於五華山下經四都籌坑村棗坪村及上洋三保寨等村過一都林萬洋行十六餘里出谷口以入於閩江又五都溪發源於后溪經雙坑村交路橋下以至於雙溪又有五都鳳埔村之水與西王坑院前之水亦來匯於雙溪歷五都之碗廠下及下爐等處至爐武步以入於閩江若二都溪則發源

古田縣志

卷之四

山川志

十四

於后坪經二都潮魚村文洋村以達黃田又扁頭坑之水則發源於大坑經二都竹園以達黃田出此二者皆二都之水出黃田以入於閩江者也至三都之水一則下雙坑溪發源於唐壠山獅形山行五里至下雙坑而入於閩江一則埕頭溪之水發源於尤溪界經南閩界而注於閩江此三都之水注江者也

附

龍爬灘

在三都口江中爲三十六灘之一

秤鈎灘

在三都下雙坑下有石牛臥波諸勝此灘爲閩江最險處舟行常戒之爲三十六灘之一

金鐘潭

在閩江中其傍卽爲金鐘潭村距城九十里村後山上有洞甚深相傳昔人於此洞鑄鐘鑄畢沉於是潭故名

池瀨碓

在二都黃田江中崖傾水急爲三十六灘之一

黃田角

在二都黃田江中水勢湍疾為三十六灘之一

獅子池

在八都羅華村一名羅池池北有石獅背有字跡模糊旁有擣衣石及石盂盂旁鑄有宋乾道己丑造等字

沽洋裏龍井

在八都沽洋裏村俗名龍潭

村裏洋瀑布

在三都村裏洋東面山上

潮魚滌瀑布

在潮魚村高數十丈

南鄉

蝦蟆洋溪

即上曹洋橋溪

龍亭溪

寶溪

淮溪

古田縣志

卷之四

山川志

十五

閩江

南鄉溪流源委

南鄉溪流即由縣城之劍溪自六保歷福勝村

樟上村東山村半坑村而至上曹洋橋下匯西鄉桃溪之水為

蝦蟆洋溪遂由此至龍亭溪過閩林林寶溪村及茶亭福到嶺

岩下亭等處抵岩頭頂之石門限過此則行閩清轄之水到嶺

嶺頭亭等處至閩清界之李家崎又有十三都之水自曲斗村

起歷淮溪村至險橋復繞出閩清轄之新崎地方來注之匯為

長潭遂由長潭流出閩清轄之耨橋及湯壽橋至時坪而出水

口之朝天橋下達於閩江

附

平湖

在三十都鳳竹村湖周圍約五里許水光潏潏一望如鏡亦勝境也

蓮花潭

在一都水口七壑江中潭中有石如蓮花故名距潭數十武有蝦蟆石每當水涸時舟行甚難故呼為蝦蟆港

龍亭港龍潭

在七都下曹洋溪中清邑令張學舉禱雨詞曹洋水何轟厖石笋插空地垠開潭心噴沫出巖上非烟非霧常色穩水簾百丈垂陰洞太古遺雪尚皓皚自然寒氣森六月赤景不到况黃埃相傳其下龍

游窟能興雲物祛炎燬今年適逢夏秋早為民祈禱修虔來亂石嵯岬白千匝乘險不異經印邨潭深水響駭耳目旋山徒石爭深洄橫中不物長虹狀光彩燦燦珠涵胎吁嗟老龍方穩睡見霓雨止何須積我呼龍起投以楸為鐘不足搗鼓催龍須騰

踔向天闕傲翳驕陽禦洪災牧羊神女應汝助金蛇其電玉虎雷雨溟海勢浩鏗極倒捲滄波潤枯垓

壩頭瀑布

俗名喉曬深在七都壩頭村

龍亭港瀑布

即在龍亭港龍潭曾經外國人士履勘評為界世不可多得者並承省當道派員到鄉測量謂其電力非尋常瀑布可比

北鄉

湖邊溪

在十八都湖邊村

杭下溪

在十七都杭下村

古田縣志

卷之四

山川志

十六

平湖溪

在十八都平湖街高攀滿清邑人曾元蔭詩生涯白首寄菰蘆雨笠烟簑一釣徒聞道前村新釀熟斜陽移棹過平湖

陽谷溪

在十五都陽谷村

桃洲坂溪

在十六都桃洲坂村

沙洲坂溪

在十七都沙洲坂村

官田溪

在二十一都官田村

黃柏口溪

在十五都黃柏口村

北鄉

溪流源委 北鄉溪流分甲乙兩支甲支來路又分兩派一派由

屏南界大碑分溪長橋等村流入本縣界三十都長宦村端上

村至十八都湖邊村一派由政和界流入屏南路下岑洋高溪

等村入本縣十八都一保村玉庫村匯於湖邊由是歷十七都
梅洋村連樟村以至於杭下村此甲支之來路也乙支來路亦
分兩派一派由建安之古地了頭流入本縣二十一都橫坑村
東坑村下洋仔村抵二十一都官田村一派由建安之碗地流
入本縣二十一都垵頭村西溪村滌下村而匯於官田自此歷
十都之前洋村十七都之源裏村鄭源村浚頭村經十七都之
高攀橋沙洲坂至杭下村與甲支之水匯而爲一由是過十六
都之桃洲坂至十五都之陽谷村此甲乙兩大支之水俱匯於
陽谷村者也此外又有卓家村之水歷橫路村祥垵村來注之
以出於紫橋又十五都后寨村之水踰十五都利洋村劉埔村

古田縣志

卷之四

山川志

十七

出黃柏口合流出天王橋下同注於紫橋下之劍溪

附

陽谷龍井

溫泉

在十八都湖邊官園潭中